

Mamzningz:

Ciengz “Gohgij Gaujsi” Daegbied Ndeu

2 nyied 10 hauh, dwg liggaeuq ndwencieng coloeg, ciengz “gohgij gaujsi” daegbied ndeu youq Namzningz Gungjmyau Bozvuzgvanj gawjhengz, 20 boux “gaujswngh” ciuq ciuhlaux gohgij gaujsi daejniemh guh sat le baenzbauq hongsaeh, gamjsouh le vunz ciuhlaux gij yinx gaujsi danghak.

(Yi Sienghceenz/喻湘泉)

► 20 boux gaujswngh daejniemh ciuhlaux gohgij gaujsi danghak.



▲Dah lwgsau foux saezcej.

Baksaek:Feihvuzciz Vwnz-va Angqhoh Ndwencieng

2 nyied 7 hauh banhaet, youz Cunghgung Baksaek Siveij, Si Yinmiz Cwngfuj, Si Vwnzsinghiz, Baksaek Si Gienzcuengh Geq Hezvei youq Baksaek Dijyuz Gvangicangz lienzhab banh “Baksaek Si angqcoux ndwencieng foux saeciej dwkgienz cien- ciengz biujyienj doxdax” hozdung. Hozdung neiyungz aeu Baksaek, Denzyangz, Denzdungh sam aen Yienh Gih feihvuzciz vwnzva yizcanj conzdungj vwnzva ma guhcawj. Dinfwnz fouxsaeciej maenh’ ak, rengzdw, fap Gienzcuengh geq sawj vunz yawj dwk da mbouj yaep.

(Lanz Gingganj/蓝庆侃)



▲Yienj hoenx Gienzcuengh geq.



Nanzdanh:Cejnuengx Bouxcuengh Okhaq Doxcomz Ma Laeng Daiq

2 nyied 8 hauh, ndwencieng coseiq, Nanzdanh Yen Lozfu Cin Lungzlaz Cunh Mbanjeejyey 95 boux cejnuengx Bouxcuengh okhaq haenx doxcomz youq itheij, ndang daenj buhvaq doxdongz, rap laex gvaqcieng, doxcaez ma laeng daiq, yawj bohmeah bonj- faenh. Mbat hozdung neix, aeu “bohmeah aencingz naek lumj bya, cejnuengx cingzndiep laeg lumj haij” ma guh cawjdaez. Hozdung neiyungz miz angqcoux yizsi, eufwen ciengq caencingz, vwnzyi biujyienj, camnai ndaw mbanj bouxlaux 70 bi doxhwnj haenx, gwn ngaiz doxcomz daengj.

(Fu Lungzgyangz/符龙强)



▲Cejnuengx raeuz ma ranz lo.

Yungzsuij:Youz Hoihbo Yawj Minzsuz

Youq ndaw cieng, Yungzsuij Myauzcuz Swciyen Gawjhengz baenzdauq hoihbo, doxdax boq aenvenz, caijdangz caeuq max doxdik daengj minzsuz hozdung doxlwnz dwk yienj, yinx ndaej haujlai hekyouz daej gamjsouh heiq vwnzva gvaqcieng conzdungj Myauzcuz.

“Baenzdauq hoihbo Myauzcuz” dwg Yungzsuij ciet conzdungj baiz baenz gonqlaeng ndei ndeu, daj liggaeuq ndwencieng cosam daengz cibcaet cij sat. Aen “baenzdauq hoihbo Myauzcuz” neix gaenq ndaej lied guh buek mingzlog daih’ it gaep guekggya feihyiz.

(Lungz Linzci/龙林智)



▲Lwgnyez boq venz daih cienz daih.